



Broj: 11-11-2-1449/25
Datum: 13.06.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U

o izboru najpovoljnijeg ponuđača u predmetu javne nabavke „Nabavka sportske odjeće i obuće“, Lot 2. – Sportska odjeća

I.

Prihvata se prijedlog Komisije za provođenje konkurentskih i pregovaračkih postupaka nabavki, u predmetu javne nabavke „Nabavka sportske odjeće i obuće“, Lot 2. – Sportska odjeća, te se ugovor dodjeljuje ponuđaču „iManager“ d.o.o. Sarajevo, čija cijena ponude iznosi 7.240,00 KM bez PDV-a.

II.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

III.

Odabrani ponuđač je dužan, u roku od pet (5) dana, dostaviti tražene dokaze u skladu sa tačkom 2. Tenderske dokumentacije.

IV.

Za izvršenje Odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka sportske odjeće i obuće“, broj Obavještenja o javnoj nabavci: 1412-7-1-131-3-86/25 od 14.05.2025. godine i Ispravka, broj: 1412-7-1-131-3-87/25 od 16.05.2025. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost ugovora za LOT 2. iznosi 7.248.00 bez PDV-a odnosno 8.480,16 KM sa PDV-om.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i Tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocijenu kvalificiranosti ponuđača, o čemu je sačinila odgovarajuće zapisnike, u kojima je utvrđeno da su zaprimljene tri (3) ponude, i to od sljedećih ponuđača: „iManager“ d.o.o. Sarajevo, „Euro Vez“ d.o.o. Tešanj i „Onra“ d.o.o. Sarajevo, te da nije bilo neblagovremeno zaprimljenih ponuda.

Detaljnim pregledom ponuda za Lot 2. - Sportska odjeća, Komisija je utvrdila da su ponude ponuđača „Euro-Vez“ d.o.o. Tešanj i „Onra“ d.o.o. Sarajevo neprihvatljive, jer u svojim ponudama (katalozima) *ne dokazuju ispunjavanje minimalnih tehničkih karakteristika/uslova koje su zatražene tenderskom dokumentacijom*;

Također, Komisija je konstatovala da je ponuda ponuđača: „iManager“ d.o.o. Sarajevo prihvatljiva, te da ista ispunjava sve tražene uslove iz tenderske dokumentacije.

S obzirom da je Tenderskom dokumentacijom predviđeno održavanje e-Aukcije, a kako je iz naprijed navedenih razloga prihvatljiva samo jedna ponuda, Komisija je dala preporuku ugovornom organu da se za postupak javne nabavke „Nabavka sportske odjeće i obuće“, LOT 2. – Sportska odjeća, ugovor dodijeli ponuđaču „iManager“ d.o.o. Sarajevo, čija cijena ponude iznosi 7.240,00 KM bez PDV-a odnosno 8.470,80 KM sa PDV-om.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

DOSTAVITI:

- Sektoru za finansije i javne nabavke;
- ponuđaču;
- a/a.-


V.D. DIREKTOR
(Načelnik SKP-a)
GLAVNI INSPEKTOR
Vahidin Munjić